



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԷԿՈՆՈՄԻԿԱՅԻ ՆԱԽԱՐԱՐ
Հ Ր Ա Մ Ա Ն**

ք. Երևան

«22», 03 2021թ N° 214-ԼԿ

**ՆԵՐԴՐՈՒՄՆԵՐԻ ԵՎ ԱՐՏԱՀԱՆՄԱՆ ԽԹԱՆՄԱՆ 2021 ԹՎԱԿԱՆԻ ԾՐԱԳՐԻ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՀԱՆՄԱՆՆ ՈՒՂԴՎԱԾ
ԱՐԴՅՈՒՆԱԲԵՐԱԿԱՆ ՔԱՂԱՔԱԿԱՆՈՒԹՅԱՆ ՌԱԶՄԱՎԱՐՈՒԹՅԱՄԲ
ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ ՑԱՆԿԸ, ԲՅՈՒՋԵՆ, ԿԱԶՄԱԿԵՐՊՈՂ
ՄԻՋԱԶԳԱՅԻՆ ՑՈՒՑԱՀԱՆԴԵՍՆԵՐԻՆ ԿԱԶՄԱԿԵՐՊՈՒԹՅՈՒՆՆԵՐԻ ԵՎ ԱՆՀԱՏ
ՁԵՌՆԱՐԿԱՏԵՐԵՐԻ ՄԱՍՆԱԿՑՈՒԹՅԱՆ ԱՋԱԿՑՈՒԹՅԱՆ ԵՆԹԱԿԱ
ՀԱՄԱՖԻՆԱՆՍԱՎՈՐՎՈՂ ԾԱԽՍԵՐԻ ՏՐԱՄԱԴՐՄԱՆ ԿԱՐԳԸ ԵՎ ԾՐԱԳՐԻ
ՄԻՋՈՑԱՌՈՒՄՆԵՐԻ ԻՐԱԿԱՆԱՑՈՒՄՆ ԱՊԱՀՈՎԵԼՈՒ ՆՊԱՏԱԿՈՎ ՍՏԵՂԾՎՈՂ
ՀԱՆՁՆԱԺՈՂՈՎԻ ԱՆՀԱՏԱԿԱՆ ԿԱԶՄԸ
ՀԱՍՏԱՏԵԼՈՒ ՄԱՍԻՆ**

Ղեկավարվելով Հայաստանի Հանրապետության կառավարության 2020 թվականի դեկտեմբերի 30-ի N 2215-Ն որոշման 11-րդ կետի 1-ին ենթակետի «բ» պարբերությամբ և Հայաստանի Հանրապետության վարչապետի 2019 թվականի հունիսի 1-ի N 658-Լ որոշմամբ հաստատված հավելվածի 18-րդ կետի 21-րդ ենթակետով.

ՀՐԱՄԱՅՈՒՄ ԵՄ՝

1. Հաստատել՝

1) Ներդրումների և արտահանման խթանման 2021 թվականի ծրագրի Հայաստանի Հանրապետության արտահանմանն ուղղված արդյունաբերական քաղաքականության ռազմավարությամբ նախատեսված միջոցառումների իրականացման պետական աջակցության ծրագիրը՝ համաձայն N 1 հավելվածի:

2) Ներդրումների և արտահանման խթանման 2021 թվականի ծրագրի Հայաստանի Հանրապետության արտահանմանն ուղղված արդյունաբերական քաղաքականության ռազմավարությամբ նախատեսված 2021 թվականի միջոցառումների ցանկը՝ համաձայն N 2 հավելվածի:

3) Ներդրումների և արտահանման խթանման 2021 թվականի ծրագրի Հայաստանի Հանրապետության արտահանմանն ուղղված արդյունաբերական քաղաքականության ռազմավարությամբ նախատեսված միջոցառումների բյուջեն՝ համաձայն N 3 հավելվածի:

4) Ներդրումների և արտահանման խթանման 2021 թվականի ծրագրի Հայաստանի Հանրապետության արտահանմանն ուղղված արդյունաբերական քաղաքականության ռազմավարությամբ նախատեսված միջոցառումների իրականացման պետական աջակցության շրջանակներում կազմակերպվող միջազգային ցուցահանդեսներին կազմակերպությունների և անհատ ձեռնարկատերերի մասնակցության աջակցության ենթակա համաֆինանսավորվող ծախսերի տրամադրման և ցուցահանդեսներին մասնակցության դիմելու կարգը՝ համաձայն N 4 հավելվածի:

5) Սույն հրամանով նախատեսված ծրագրի իրականացման պետական աջակցության 2021 թվականի ծրագրի միջոցառումների իրականացումն (ցուցահանդեսների կազմակերպչական աշխատանքների իրականացում, տաղավարների ընտրություն, տաղավարների դիզայն և այլն) ապահովելու, ինչպես նաև միջոցառումների իրականացման համար հայտարարվող մրցույթների տեխնիկական պայմանների հաստատման և ծրագրով նախատեսված այլ միջոցառումների նպատակահարմարության քննարկման նպատակով ստեղծվող հանձնաժողովի անհատական կազմը՝ համաձայն N 5 հավելվածի:

2. Հայաստանի Հանրապետության էկոնոմիկայի նախարարության (այսուհետ՝ Նախարարություն) տեղեկատվության և հասարակայնության հետ կապերի

վարչության պետի տեղակալ Անահիտ Խեչոյանին՝ ապահովել սույն հրամանի
տեղադրումը Նախարարության պաշտոնական կայքէջում:

ՎԱՀԱՆ ՔԵՐՈԲՅԱՆ

3/22/2021

X 

ՎԱՀԱՆ ՔԵՐՈԲՅԱՆ

Signed by: KEROBYAN VAHAN 1110760124

Հավելված N 1
Հայաստանի Հանրապետության
Էկոնոմիկայի նախարարի
2021 թվականի
Շաբաթ 22-ի N 217Ա հրամանի

ՆԵՐԴՐՈՒՄՆԵՐԻ և ԱՐՏԱՀԱՆՄԱՆ ԽԹԱՆՄԱՆ
2021 ԹՎԱԿԱՆԻ ԾՐԱԳԻՐ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՀԱՆՄԱՆՆ ՈՒՂՂԱԾ
ԱՐԴՅՈՒՆԱԲԵՐԱԿԱՆ ՔԱՂԱՔԱԿԱՆՈՒԹՅԱՆ ՌԱԶՄԱՎԱՐՈՒԹՅԱՄԲ
ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ ԻՐԱԿԱՆԱՑՄԱՆ ՊԵՏԱԿԱՆ
ԱԶԱԿՑՈՒԹՅԱՆ

I. ԾՐԱԳՐԻ ԸՆԴՀԱՆՈՒՐ ՆԿԱՐԱԳԻՐԸ

1. Հայաստանի Հանրապետության կայուն տնտեսական զարգացման տեսանկյունից Հայաստանի Հանրապետության կառավարությունը կարևորում է արտահանմանն ուղղված պետական աջակցությունը՝ համապատասխան գործիքների կիրառմամբ:

2. 2013 թվականից սկսած Հայաստանի Հանրապետության կառավարության կողմից մեկնարկել է Պետական աջակցություն Հայաստանի Հանրապետության արտահանմանն ուղղված արդյունաբերական քաղաքականության ռազմավարությամբ նախատեսված միջոցառումների իրականացման շարունակական ծրագիրը (այսուհետ՝ Ծրագիր), որն ուղղված է արդյունաբերական արտադրանքի (ծառայությունների) արտահանելի հատվածի ընդլայնմանը և արտահանման ներուժ ունեցող կազմակերպությունների կարողությունների զարգացմանը:

3. 2020 թվականի ընթացքում նախատեսված միջոցառումները, պայմանավորված կորոնավիրուսի համավարակով, չեղարկվել կամ անորոշ ժամանակով հետաձգվել են և նշված միջոցառումների համար նախատեսված ֆինանսական միջոցները փոխանցվել են կորոնավիրուսի տնտեսական հետևանքների չեզոքացմանն ուղղված միջոցառումներին, ինչպես նաև պատերազմի հետևանքով ստեղծված իրավիճակի աջակցության միջոցառումներին:

II. ԾՐԱԳՐԻ ՄՇԱԿՄԱՆ ՀԻՄՔԵՐԸ

4. Ծրագրի մշակման համար հիմք են՝
- 1) «Հայաստանի Հանրապետության 2021 թվականի պետական բյուջեի մասին» Հայաստանի Հանրապետության օրենքը.
 - 2) Հայաստանի Հանրապետության կառավարության 2020 թվականի դեկտեմբերի 30-ի N 2215-Ն որոշման 11-րդ կետի 1-ին ենթակետի «բ» պարբերությունը.
 - 3) Հայաստանի Հանրապետության կառավարության կողմից 2011 թվականի դեկտեմբերի 15-ի նիստի N 49 արձանագրության 9-րդ կետով հավանության արժանացած «Հայաստանի Հանրապետության արտահանմանն ուղղված արդյունաբերական քաղաքականության ռազմավարությունը» (այսուհետ՝ ռազմավարություն):

III. ԾՐԱԳՐԻ ՆՊԱՏԱԿՆԵՐԸ ԵՎ ԱԿՆԿԱԼՎՈՂ ԱՐԴՅՈՒՆՔՆԵՐԸ

5. Ծրագրի նպատակներն են՝
- 1) ռազմավարությամբ սահմանված նպատակների իրագործման ապահովումը.
 - 2) պետական աջակցության գործիքների կիրառման միջոցով արդյունաբերական արտադրանքի արտահանման ծավալների ավելացման խթանումը.
 - 3) արտահանելի հատվածի ընդլայնումը, արտահանման դիվերսիֆիկացմանը նպաստելը.
 - 4) արտաքին շուկաներում հայկական արտադրանքի ներկայացվածությանը նպաստելը.
 - 5) տնտեսության տեխնիկական և տեխնոլոգիական վերազինմանն աջակցելը.
 - 6) Հայաստանի Հանրապետության մարզերում տնտեսական և ներդրումային ակտիվության բարձրացմանը նպաստելը:
6. Ծրագրի նպատակների ապահովման ուղղությամբ նախատեսվում է՝
- 1) պետական աջակցության առկա գործիքների կիրառման շարունակականության և արդիականացման ապահովում.
 - 2) արտաքին շուկաներում հայկական ապրանքների առաջնղման գործիքների կիրառում.

3) արդյունաբերական ոլորտներում բարձրորակ կադրերով ապահովման ու զարգացման նպատակով ուսուցողական ծրագրերի իրականացում՝ ըստ անհրաժեշտության:

IV. ԾՐԱԳՐԻ ԻՐԱԿԱՆԱՑՄԱՆ ՍԿԶԲՈՒՆՔՆԵՐԸ

7. Ծրագրի իրականացման սկզբունքներն են՝

1) սույն Հավելվածի 8-րդ կետով սահմանված 1)-ին ենթակետի «ա» պարբերության միջոցառումն իրականացվում է մրցույթի արդյունքում հաղթող ճանաչված կառույցների միջոցով.

2) պետություն-մասնավոր հատված համագործակցության խորացումը.

3) ծրագրի շրջանակներում տրամադրվող պետական աջակցությունը տարածվում է մշակող արդյունաբերության ոլորտների կազմակերպությունների վրա.

ա. սույն Հավելվածի 8-րդ կետի 1-ին ենթակետի ա) պարբերությամբ նախատեսված միջոցառման շրջանակներում պետական աջակցությունը տարածվում է նաև պաշտպանական և ազգային անվտանգության կարիքների համար արտադրություն իրականացնող և ճարտարագիտական ծառայություններ մատուցող կազմակերպությունների վրա:

4) միջազգային և օտարերկրյա դոնոր կազմակերպությունների հետ փոխհամաձայնությունների շրջանակներում համատեղ ծրագրերը կիրականացվեն համաֆինանսավորման սկզբունքով՝ Հայաստանի Հանրապետության օրենսդրությամբ սահմանված կարգով:

V. ԾՐԱԳՐԻ ՄԻՋՈՑԱՌՈՒՄՆԵՐԻ ՀԱՄԱԿԱՐԳԸ

8. Ռազմավարության իրականացման ուղղությամբ նախատեսվում են հետևյալ միջոցառումները՝

1) մշակող արդյունաբերության ոլորտի ընկերություններին օժանդակության ցուցաբերում՝ ֆինանսական գործիքների կիրառմամբ.

ա. արտադրական գործունեության վարկավորման մասնակի սուբսիդավորում.

Ենթամիջոցառումը նախատեսում է մշակող արդյունաբերության ոլորտի, պաշտպանական և ազգային անվտանգության կարիքների համար արտադրություն իրականացնող և (կամ) ճարտարագիտական ծառայություններ մատուցող, ինչպես նաև սույն 9-րդ կետով սահմանված սահմանամերձ համայնքներում արտադրություն

իրականացնող կազմակերպություններին տրամադրվող վարկերի տոկոսադրույքների մասնակի սուբսիդավորում՝ հիմնական միջոցների բարելավման կամ ձեռքբերման հիմնական

նպատակով: Սուբսիդավորվելու են վարկի գումարի մինչև 150 մլն ՀՀ դրամ մասը, համապատասխան վարկի մասի տոկոսադրույքի 5 (հինգ) տոկոսային կետին համարժեք գումարը վարկի առաջին 2 (երկու) տարվա համար, «ՆԱՍԴԱՔ ՕԷՄԷՔՍ Արմենիա» ԲԲԸ ֆոնդային բորսայում ցուցակված տնտեսվարողների դեպքում՝ մինչև 5 (հինգ) տարվա համար, իսկ Հավելվածի 1-ի 9-րդ կետով սահմանված սահմանամերձ համայնքներում գործունեություն իրականացնող տնտեսվարողներին տրամադրվող վարկերը սուբսիդավորվելու են Հավելվածի 1-ի 9-րդ կետի 2-րդ ենթակետով սահմանված չափով: Ենթամիջոցառման շրջանակներում ակնկալվում է վարկի տոկոսադրույքի սուբսիդավորման աջակցություն տրամադրել առնվազն 2 սուբյեկտի:

2) հայկական ապրանքների նպատակային շուկաներում առաջմղում, հայկական ապրանքների ներկայացում, շուկայական տեղեկատվության ապահովում.

ա. ցուցահանդեսների կազմակերպում և մասնակցության ապահովում ենթամիջոցառման շրջանակներում նախատեսվում է թիրախային շուկաներում և Հայաստանում մշակող արդյունաբերության ոլորտների կազմակերպություններին ցուցահանդեսներին մասնակցության աջակցության տրամադրում: Օտարերկրյա պետությունում կամ Հայաստանում ցուցահանդեսներին մասնակցությունը և (կամ) կազմակերպում **միասնական հայկական տաղավարով մասնակցություն.** այս դեպքում մասնակցության կազմակերպումն իրականացվում է միասնական տաղավարի սկզբունքով, որի վարձակալության, կառուցապատման, դիզայնի և դրա հետ կապված սարքավորումների վարձակալության, մասնակիցների գրանցման, ինչպես նաև կազմակերպչական ծախսերն (պետական կառույցը ներկայացնող անձի գործուղման ծախսեր) իրականացվում են ծրագրի շրջանակներում՝ մինչև 50 տոկոս համաֆինանսավորմամբ: Ընդհանուր առմամբ, ենթամիջոցառման շրջանակներում ակնկալվում է աջակցել ընկերություններին՝ առնվազն 7 ցուցահանդեսի մասնակցելու նպատակով: Ցուցահանդեսների կազմակերպման և (կամ) մասնակցության իրականացվում են ըստ անհրաժեշտության՝ ոլորտի ներկայացուցիչների հետ համաձայնեցված և (կամ) շուկայի պահանջարկի ուսումնասիրությունների հիման վրա:

2021-2022 թվականներին նախատեսվում են կազմակերպել և (կամ) մասնակցել հետևյալ ցուցահանդեսներին.

- ✓ IPhEB 2021 թվականի ապրիլի 14-ից 16-ը – դեղագործության, քիմիատեխնոլոգիաների ցուցահանդես
- ✓ MosShoes 2021 սեպտեմբերի 7-ից 10-ը – կոշիկի և կաշվե իրերի ցուցահանդես
- ✓ JUNWEX 2021 թվականի սեպտեմբերի 23-ից 27-ը – ոսկեգործական իրերի ցուցահանդես՝ սեպտեմբեր ՌԴ Մոսկվա
- ✓ Չինաստանի ներմուծման միջազգային 4-րդ ցուցահանդես - 2021 թվականի նոյեմբերի 5-ից 10 Շանհայ ՉԺՀ
- ✓ MosShoes 2022 հունվարի 16-ից 19-ը - կոշիկի և կաշվե իրերի ցուցահանդես
- ✓ PRODEXPO 2022 - սննդարդյունաբերության ցուցահանդես ՌԴ Մոսկվա

Այլ ցուցահանդեսները կիրականացվեն ըստ անհրաժեշտության՝ նախապես քննարկելով ոլորտի ներկայացուցիչների հետ:

9. Սույն ծրագրի 8-րդ կետով նախատեսված միջոցառումների շրջանակներում Հայաստանի Հանրապետության կառավարության 2015 թվականի հունվարի 15-ի N 30-Ն որոշմամբ հաստատված ցանկում ներառված սահմանամերձ համայնքներում գործունեություն իրականացնող կազմակերպություններին աջակցությունը տրամադրվում է հետևյալ սկզբունքներով՝

1) սույն ծրագրի 8-րդ կետի 2-րդ ենթակետի «ա» պարբերության մասով ծախսերի փոխհատուցում և (կամ) համաֆինանսավորում՝ մինչև 75 տոկոսի չափով.

2) սույն ծրագրի 8-րդ կետի 1-ին ենթակետի «ա» պարբերության մասով տոկոսադրույքի մասնակի սուբսիդավորում մինչև 5 (հինգ) տարվա վճարման ենթակա տոկոսագումարները՝ մինչև 9 (ինը) տոկոսային կետին համարժեք գումարի չափով:

VI. ԾՐԱԳՐԻ ՖԻՆԱՆՍԱԿԱՆ ԱՊԱՀՈՎՈՒՄԸ

10. Սույն ծրագրի 8-րդ կետով նախատեսված միջոցառումները կիրականացվեն Հայաստանի Հանրապետության 2021 թվականի պետական բյուջեի ֆինանսավորմամբ՝ 357,000.0 հազ. դրամի չափով, և Հայաստանի Հանրապետության օրենսդրությամբ չարգելված այլ միջոցների հաշվին (մասնավոր հատվածի և այլ շահագրգիռ կողմերի համաֆինանսավորմամբ):

Ց Ա Ն Կ

ՆԵՐԴՐՈՒՄՆԵՐԻ ԵՎ ԱՐՏԱՀԱՆՄԱՆ ԽԹԱՆՄԱՆ 2021 ԹՎԱԿԱՆԻ ԾՐԱԳՐԻ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐՏԱՀԱՆՄԱՆ ՈՒՂՎԱԾ ԱՐԴՅՈՒՆԱԲԵՐԱԿԱՆ ՔԱՂԱՔԱԿԱՆՈՒԹՅԱՆ ՈԱԶՄԱՎԱՐՈՒԹՅԱՆ ՆԱԽԱՏԵՍՎԱԾ 2021
ԹՎԱԿԱՆԻ ՄԻՋՈՑԱՌՈՒՄՆԵՐԻ

NN ը/Կ	Միջոցառումը	Ակնկալվող արդյունքը	Կատարողը	Կատարման ժամկետը	Ֆինանսավորման աղբյուրը
1	2	3	4	5	6
1.	Աշակող արդյունաբերության ոլորտների ընկերություններին օժանդակության ցուցաբերում՝ ֆինանսական գործիքների կիրառմամբ				
	ա) արտադրական գործու- նեության վարկավորման մասնակի սուբսիդավորում	Ենթամիջոցառման շրջանակներում ակնկալվում է վարկի տոկոսադրույքի մասնակի սուբսիդավորման աջակցություն տրամադրել առնվազն 2 սուբյեկտի	ՀՀ էկոնոմիկայի նախարարություն	2021թ. ընթացքում	ՀՀ պետական բյուջե և օրենքով չարգելված այլ միջոցներ
2.	Հայկական ապրանքների՝ նպատակային շուկաներում առաջնորդում,				

	հայկական ապրանքների ներկայացում, շուկայական տեղեկատվության ապահովում					ՀՀ պետական բյուջե և օրենքով չարգելված այլ միջոցներ
	1) ցուցահանդեսների կազմակերպում և մասնակցության ապահովում	Ենթամիջոցառման շրջանակներում ակնկալվում է կազմակերպել և (կամ) մասնակցել առնվազն 7 ցուցահանդեսի	ՀՀ էկոնոմիկայի նախարարություն	2021թ. ընթացքում		

Հավելված N 3
Հայաստանի Հանրապետության
Էկոնոմիկայի նախարարի
2021 թվականի
Փետրվարի 22-ի N 2/2 հրամանի

ԲՅՈՒՋԵ

**ՆԵՐԴՐՈՒՄՆԵՐԻ ԵՎ ԱՐՏԱՀԱՆՄԱՆ ԽԹԱՆՄԱՆ 2021 ԹՎԱԿԱՆԻ ԾՐԱԳՐԻ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՀԱՆՄԱՆՆ ՈՒՂՂՎԱԾ ԱՐԴՅՈՒՆԱԲԵՐԱԿԱՆ
ՔԱՂԱՔԱԿԱՆՈՒԹՅԱՆ ՌԱԶՄԱՎԱՐՈՒԹՅԱՄԲ ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ**

Հ/Հ	ԾԱԽՍԵՐԻ ԱՆՎԱՆՈՒՄՆԵՐԸ	Գումար (հազար դրամ)
1.	Արտադրական գործունեության վարկավորման մասնակի սուբսիդավորում	20,000.0
2.	Հայկական ապրանքների՝ նպատակային շուկաներում առաջմղում, հայկական ապրանքների ներկայացում, շուկայական տեղեկատվության ապահովում	337,000.0
2.1	ցուցահանդեսների կազմակերպում և/կամ մասնակցության ապահովում	337,000.0
ԸՆԴԱՄԵՆԸ		357,000.0

Կ Ա Ր Գ

**ՆԵՐԴՐՈՒՄՆԵՐԻ ԵՎ ԱՐՏԱՀԱՆՄԱՆ ԽԹԱՆՄԱՆ 2021 ԹՎԱԿԱՆԻ ԾՐԱԳՐԻ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՏԱՀԱՆՄԱՆՆ ՈՒՂՂՎԱԾ ԱՐԴՅՈՒՆԱԲԵՐԱԿԱՆ
ՔԱՂԱՔԱԿԱՆՈՒԹՅԱՆ ՌԱԶՄԱՎԱՐՈՒԹՅԱՄԲ ՆԱԽԱՏԵՍՎԱԾ ՄԻՋՈՑԱՌՈՒՄՆԵՐԻ
ԻՐԱԿԱՆԱՑՄԱՆ ՊԵՏԱԿԱՆ ԱԶԱԿՑՈՒԹՅԱՆ ՇՐՋԱՆԱԿՆԵՐՈՒՄ ԿԱԶՄԱԿԵՐՊՈՂ
ՄԻՋԱԶԳԱՅԻՆ ՑՈՒՑԱՀԱՆԴԵՍՆԵՐԻՆ ԿԱԶՄԱԿԵՐՊՈՒԹՅՈՒՆՆԵՐԻ ԵՎ ԱՆՀԱՏ
ՁԵՌՆԱՐԿԱՏԵՐԵՐԻ ՄԱՍՆԱԿՑՈՒԹՅԱՆ ԱԶԱԿՑՈՒԹՅԱՆ ԵՆԹԱԿԱ
ՀԱՄԱՖԻՆԱՆՍԱՎՈՐՎՈՂ ԾԱԽՍԵՐԻ ՏՐԱՄԱԴՐՄԱՆ ԵՎ ՑՈՒՑԱՀԱՆԴԵՍՆԵՐԻՆ
ՄԱՍՆԱԿՑՈՒԹՅԱՆ ԴԻՄԵՆՈՒ**

I. Ընդհանուր դրույթներ

1. Սույնով կարգավորվում են Հայաստանի Հանրապետության արտահանման ուղղվածություն ունեցող մշակող արդյունաբերության ոլորտի կազմակերպությունների և անհատ ձեռնարկատերերի արտերկրում կազմակերպվող միջազգային ցուցահանդեսներին մասնակցության աջակցության տրամադրման և ցուցահանդեսներին մասնակցության դիմելու հետ կապված հարաբերությունները:

II. Աջակցության տրամադրման պայմանները

2. Աջակցությունը տրամադրվում է Հայաստանի Հանրապետության արտահանման ուղղվածություն ունեցող մշակող արդյունաբերության ոլորտներում գործունեություն իրականացնող արդյունաբերական կազմակերպություններին և անհատ ձեռնարկատերերին (այսուհետ՝ կազմակերպություն):

3. Աջակցությունը տրամադրվում է միասնական «հայկական» տաղավար ձևաչափով կազմակերպվող միջազգային ցուցահանդեսներին մասնակցության համար:

4. Աջակցությունը տրամադրվում է ցուցահանդեսի մասնակցության և կազմակերպչական ծախսերում մինչև 50 տոկոս (սահմանամերձ տարածաշրջաններում գործող կազմակերպությունների դեպքում մինչև 75 տոկոս) համաֆինանսավորման

սկզբունքով: Սույն կարգի իմաստով ցուցահանդեսի մասնակցության կազմակերպչական ծախսեր կարող են համարվել.

- 1) մասնակցության վճար,
- 2) տաղավարի դիզայն,
- 3) տարածքի վարձակալություն (1 մասնակցի հաշվով ոչ ավել, քան 9 քմ տարածքի համար),
- 4) կառուցապատում, կահավորում և դրա գործունեության համար անհրաժեշտ ծախսեր:

III. Ցուցահանդեսներին դիմելու և աջակցության տրամադրման ընթացակարգը

5. Սույն հրամանով հաստատված հանձնաժողովը (այսուհետ՝ Հանձնաժողով) հաստատում է ցուցահանդեսի մասնակցության նախնական հայտը և պայմանները:

6. Ցուցահանդեսի մասնակցության նախնական հայտի, պայմանների և դիմելու վերջնաժամկետի վերաբերյալ ՀՀ էկոնոմիկայի նախարարությունն (այսուհետ՝ Նախարարություն) իրազեկում է իրականացնում Նախարարության կայքէջում տեղադրված հայտարարության միջոցով:

7. Կազմակերպությունները մասնակցության հայտը (համաձայն Ձև 1-ի) ներկայացնում են մինչև հայտարարությամբ նշված վերջնաժամկետը:

8. Հանձնաժողովն ուսումնասիրում է ներկայացված հայտերը, քննարկում է մասնակցության պայմանները և ներկայացված հայտերի հիման վրա հաստատում է ցուցահանդեսի մասնակցությունը:

9. Կազմակերպությունների հետ համաձայնություն ձեռք բերելուց հետո Նախարարությունը պայմանագիր է կնքում մասնակցող կազմակերպությունների կամ կազմակերպությունները միասնական ներկայացնող կառույցի հետ:

10. Ցուցահանդեսի մասնակցության պայմանների վերաբերյալ Նախարարության և կազմակերպության միջև համաձայնության ձեռք չբերելու և պայմանագիր չկնքելու դեպքում՝ գործընթացը դադարեցվում է:

11. Ցուցահանդեսի ավարտից հետո Հանձնաժողովը ներկայացնում է ցուցահանդեսի մասնակցության վերաբերյալ եզրակացություն՝ կատարված աշխատանքների վերաբերյալ, մասնավորապես.

Կազմակերպվող միջազգային ցուցահանդեսներին
կազմակերպությունների և անհատ ձեռնարկատերերի
մասնակցության աջակցության ենթակա
համաֆինանսավորվող ծախսերի տրամադրման կարգի

(կազմակերպության/ների անվանում,
դիմողի անուն, ազգանուն, պաշտոն)

Մասնակցության հայտ

Հարգելի,

Հայտնում ենք, որ 20__ թվականի _____-ի _____ (նշել երկիրը և
քաղաքը) կայանալու է «_____» ցուցահանդեսը:

Հաշվի առնելով վերոգրյալը, խնդրում ենք վերոնշյալ ցուցահանդեսին մասնակցության
հնարավորությունը դիտարկել կազմակերպությունների կողմից կազմակերպվող
միջազգային ցուցահանդեսներին մասնակցության պետական աջակցության տրամադրման
կարգի շրջանակներում:

Կից ներկայացնում ենք հայտ և ծախսերի նախահաշիվ:

Առդիր՝ __ էջ:

Հարգանքով՝

Կազմակերպվող միջազգային ցուցահանդեսներին
կազմակերպությունների և անհատ ձեռնարկատերերի
մասնակցության աջակցության ենթակա
համաֆինանսավորվող ծախսերի տրամադրման կարգի

ՄԱՍՆԱԿՑՈՒԹՅԱՆ ԱՌԱՋԱՐԿ

1.	Կազմակերպության անվանումը		
2.	Գտնվելու վայրը (բնակության վայրը), իրավաբանական հասցե, կոնտակտային տվյալները		
3.	Տեղեկատվություն գործունեության մասին (ուղղվածություն/բնագավառ)		
4.	Ցուցահանդեսի անվանում		
5.	Ցուցահանդեսի անցկացման վայր և ժամկետներ		
6.	Ցուցահանդեսի նկարագրություն (ուղղվածություն/բնագավառ)		
7.	Հիմնավորում մասնակցության կարևորության, ձևաչափի և նախատեսված գործողությունների մասին		
8.	Ցուցահանդեսին ներկայացվող արտադրանքի նկարագրություն		
9.	Նախկինում այդ կամ համանման ցուցահանդեսին մասնակցություն		
10.	Ցուցահանդեսի շրջանակներում ակնկալվող արդյունքները		
11.	Այլ տեղեկատվություն դիմողի ցանկությամբ:		

(ստորագրությունը, անունը, ազգանունը, պաշտոն)

20 թ.

Կազմակերպվող միջազգային ցուցահանդեսներին
կազմակերպությունների և անհատ ձեռնարկատերերի
մասնակցության աջակցության ենթակա
համաֆինանսավորվող ծախսերի տրամադրման
և ցուցահանդեսներին դիմելու կարգի

ԾԱԽՍԵՐԻ ՆԱԽԱՀԱՇԻՎ

Ցուցահանդեսի շրջանակներում կանխատեսվող և համաֆինանսավորման ենթակա
ծախսային ուղղությունների և դրանց չափի վերաբերյալ

N	Ծախսային ուղղություն	Գումար		
		Ընդամենը	Նախարարությո ւն	Կազմակերպու թյուն
1.	Մասնակցության վճար			
2.	Տաղավարի դիզայն			
3.	Վարձակալություն, կառուցապատում			
4.	Կահավորում և դրա գործունեության համար անհրաժեշտ ծախսեր*			
5.	Ընդամենը			

*ծախսային ուղղությունները պետք է նշվեն մանրամասն ըստ առանձին տողերի

(ստորագրությունը, անունը, ազգանունը, պաշտոն)

ԱՆՀԱՏԱԿԱՆ ԿԱԶՄ

ՊԵՏԱԿԱՆ ԱԶԱԿՑՈՒԹՅԱՆ 2021 ԹՎԱԿԱՆԻ ԾՐԱԳՐԻ ՄԻՋՈՑԱՌՈՒՄՆԵՐԻ ԻՐԱԿԱՆԱՑՈՒՄՆ (ՑՈՒՑԱՀԱՆԴԵՍՆԵՐԻ ԿԱԶՄԱԿԵՐՊՉԱԿԱՆ ԱՇԽԱՏԱՆՔՆԵՐԻ ԻՐԱԿԱՆԱՑՈՒՄ, ՏԱՂԱՎԱՐՆԵՐԻ ԸՆՏՐՈՒԹՅՈՒՆ, ՏԱՂԱՎԱՐՆԵՐԻ ԴԻԶԱՅՆ և ԱՅԼՆ) ԱՊԱՀՈՎԵԼՈՒ, ԱՇԽԱՏԱՆՔՆԵՐԻ ԸՆԴՈՒՆՄԱՆ, ԻՆՉՊԵՍ ՆԱԵՎ ՄԻՋՈՑԱՌՈՒՄՆԵՐԻ ԻՐԱԿԱՆԱՑՄԱՆ ՀԱՄԱՐ ՀԱՅՏԱՐԱՐՎՈՂ ՄՐՑՈՒՅԹՆԵՐԻ ՏԵԽՆԻԿԱԿԱՆ ՊԱՅՄԱՆՆԵՐԻ ՀԱՍՏԱՏՄԱՆ ԵՎ ԾՐԱԳՐՈՎ ՆԱԽԱՏԵՍՎԱԾ ԱՅԼ ՄԻՋՈՑԱՌՈՒՄՆԵՐԻ ՆՊԱՏԱԿԱՀԱՐՄԱՐՈՒԹՅԱՆ ՔՆՆԱՐԿՄԱՆ ՆՊԱՏԱԿՈՎ ՍՏԵՂԾՎՈՂ ՀԱՆՁՆԱԺՈՂՈՎԻ

Վ. Սիմոնյան	Հայաստանի Հանրապետության Էկոնոմիկայի նախարարի տեղակալ, Հանձնաժողովի նախագահ,
Ա. Ավանեսյան	Հայաստանի Հանրապետության Էկոնոմիկայի նախարարի տեղակալ, Հանձնաժողովի անդամ,
Ա. Խոջոյան	Հայաստանի Հանրապետության Էկոնոմիկայի նախարարի տեղակալ, Հանձնաժողովի անդամ,
Տ. Գաբրիելյան	Հայաստանի Հանրապետության Էկոնոմիկայի նախարարի տեղակալ, Հանձնաժողովի անդամ,
Ա. Եգանյան	ՀՀ Էկոնոմիկայի նախարարության արդյունաբերության զարգացման վարչության պետ, Հանձնաժողովի անդամ,
Գ. Աթոյան	ՀՀ Էկոնոմիկայի նախարարության ֆինանսական և հաշվապահական հաշվառման վարչության պետ, Հանձնաժողովի անդամ,
Գ. Ղազարյան	Հայաստանի Հանրապետության Էկոնոմիկայի նախարարության պարենային անվտանգության և ագրովերամշակման զարգացման վարչության պետ, Հանձնաժողովի անդամ,

Լ. Գրիգորյան

ՀՀ էկոնոմիկայի նախարարության իրավաբանական
վարչության իրավական ապահովման բաժնի պետ,
Հանձնաժողովի անդամ,

Ա. Պետրոսյան

ՀՀ էկոնոմիկայի նախարարության արդյունաբերության
զարգացման վարչության գլխավոր մասնագետ, Հանձնաժողովի
քարտուղար: